

D E

TERMINO VITÆ HUMANÆ,

QUAM

Ipsius Dei Opt. Maximi, unici Vitæ Humanæ
Moderatoris, Auspiciis

I N

Auditorio Archi-Gymnasii Tre-
moniensis Majori

PRÆSIDE

M. JOH. CASP. BAROPIO,

Patrii Archi-Gymnasii

PRO-RECTORE,

Publico Eruditorum Examini submittet

R E S P.

WILHELMUS GEORGIUS Schragmüller/
Lennepâ-Montanus.

Die 31. Aug. An. M. DCC. 1. Horis solitis.



TREMONIÆ,

Typis JOH. FRIDERICI RÜHLII, Typographi.

V I R I S

Admodum Reverendis, Praclarissimis nec non Doctissimis

Dn. GEORGIO BARTHOLDO SCHRAGMÜLLERO, Pastori in Metropol. Lennep. fidelissimo, R. Ministerii Assessori gravissimo, Parenti suo filiali obedientiae cultu ad extremum vitae usq; halitum religiosè prosequendo.

Dn. JOHANNI Klein/ Pastori in Qütringhausen solertissimo V. Ministerii itidem Assessori meritissimo, Cognato & Patrono suo perpetim colendo.

Dn. JOH. LEOPOLD. Torley/ Pastori apud Neo-stadiensis ut & Widenestenses vigilantissimo ut & meritissimo, sororio & amico suo dulcissimo.

Dn. ULRICO FRIDERICO HILDEBRANDO, Pastori apud Gronenbergenses solertissimo, Patrueli suo amantissimo.

U T E T

Nobilissimo Consultissimo

Dn. JOHANNI THEODORO Halbachen/ J. U. Licentiatum & Advocato famigeratissimo ut & Doctissimo, consobрино suo medullitus amando, prosequendo.

N E C M I N U S

Admodum Reverendo, Clarissimo, ut & Doctissimo

Dn. THEOD. FRIDERIC. Garenfeld/ Ecclesiastæ in Qütringhausen solertissimo, Consobрино perquam animitus colendo, venerando.

S I M U L A C


Nobilissimo Clarissimo nec non Doctissimo

Dn. JOHANNI CONRADO SCHRAGMÜLLERO, Venerandi Ministerii Candidato dignissimo, fratri suo germano ut φιλαργίως diligendo ita φιλαδελφῶς observando.

*Specimen hoc disputatorium consecrans, se suaq;
studia commendat*

RESPONDENS.





Q. D. B. V.

DISPUTATIO THEOLOGICA.

D E

TERMINO VITÆ HU-
MANÆ.

προσίμιον.



Argumentum aliquod Theologicū edere vo-
lentibus, haut longē arcessenda fuit Materia.
Acerbissima enim quæ ex illa, per providā Dei
curā, genio humano ingenita *Φιλοσοφία* ha-
ctenus indoluimus dolenter animo admota
fata, aliud præcipite hac æstate, obluctante
licet toties adhuc animi mœrore, ventilare
non permiserunt, quàm illud de *Vita huma-
na Termino*. Cū enim cordi nostro cha-

Resp.
WIL-
HELMO
GEORG.
Schrage-
müller/
Lennepā
Montano
An. 1701.
31. Aug.

riores, illic seriū hīc citiū ē vita abeuntes, non sine concusso tristi-
tiæ salebrā vultu, vale ultimō factō, linquere, humana jubeat fragi-
litas; cō sanē Vitæ nostræ fata procedere conspiciamus, ut multos ino-
pinatos, Nestoreos sibi spondentes Annos, & aliquā longævitatis
mensurā vitam metientes, præter omnem expectationem *Vita Ter-
minus* obruat, aliosq; statim in *Vite limine*, alios in *medio curriculo*,
diversā horā & modō extinguat. Quod, cū non sine divino nutu
& Providentia fieri totidem scripturæ confirmant testimonia, ipsaq;
rerum Magistra experientia fidem dictis satis conciliet; sic omninō
profundius cum accuratissimis Pandectarum divinarum Exegetis in-
quirere placuit: Num Deus homini cuicunq; in *prima ita aetate*, vel
in *medio curriculo*, vel etiam in *decrepita senectute* morienti, præcisē
talem ex simplici & absoluto suo Decreto, posthabitō omni aliarum
causa-

causarum respectu, constituerit *Vita Terminum*, ut illo & non alio tempore mori Ei necessum fuerit? Ubi non diffitemur; in hac Quaestione ceu obscurissima & difficillima, multa præclarissima ingenia cœcutire sibi visa, adeò ut multis etiam in hunc usq; diem pomum contentionis manserit, aliq; hoc aliq; aliud de illa quæst. amplexi sint & propugnârint. Nihil tamen verabit, quò minus in hoc Argumento quoq; Ingenii nostri vires exerceamus, intricatissimumq; hoc ænigma, ex ipsis Sacrae Scripturae fontibus & rationibus ex Orthodoxorum scriptis collectis, solvamus & enodemus. Hoc dum piè meditamur, facilioris explicationis ergò, *tribus sectionibus* rem omnem emetiemur; Quarum *prima* propositi thematis *ἐκθεσις* tradet, *Secunda* Verae & Orthodoxae ejus sententiae *βεβαιώσις* sistet: *Tertia* Argumentorum contrariorum *διάλυσις* expediet, quod ut feliciter procedat, Deum O. M. devotis exoramus suspiriis!

S E C T. I.

Sistens propositi Thematis *ἐκθεσις* sive explicationem.

*Evolutio
Termini.*

§. 1. Rebus intenti, non diu in Vocabulis explicandis volutabimur, planum enim est, vocem *Termini* à terminando dicti, hoc locò non sumi *Notionaliter* pro termino Grammatico vel Logico, sed *Realiter* prout rem aliquam in Intellectu repræsentat. Rem inquam, non prout illa vel *Agri limitem*, vel Regionis alicujus *extremitatem* seu *finem*, sed *ultimum Vitæ nostræ momentum*, ultra quod transire non licet, denotat. Quod *Terminus* audit, quia cò Vitæ nostræ curriculum terminatur.

Vitæ

§. 2. Ex addita verò Differentia *Vitæ humana* comparet, Non loqui Nos & de *Termino humana Salutis* vel *divina Gratia*, quem gratiæ & salutis Terminum, Deum scelerum Vindicem quoq; in æterno suo Consilio relapsis *Apostatis*, *refractariis*, *excæcatis*, *induratis*, aliisq; *obstinatis Peccatoribus*, propter obstinatam eorum repugnantiam, constituisse & fixisse, multi hodie, non sine maximo Ecclesiæ nostræ offendiculo defendunt, quasi cò evolutò, omnes gratiæ & misericordiæ fores istis hominibus præclusæ sint, ut resipiscere
vel in

De Termino Vitæ humanæ.

3

vel in gratiam reverti nequeant. De quo Argumento videantur scripta hæcenus animo satis præcincto semper inter Partes edita. Nec loqui Nos *6. indifferenter* de quacumq; omnium substantiarum corporearum animatarum *Vita*; sed *specialiter* de *Vita humana*, prout illa soli humanæ speciei convenit, ejusq; Terminus solis hominibus in æterno Dei consilio constitutus legitur, alioq; nomine *Mors*, *hora mortis*, vel *Vita finis* dicitur.

§. 3. Hic ultimus *Vitæ humane Terminus* communiter ex du- *Vel est*
plici principio æstimari solet, partim *ex causarum naturalium com-* naturalis
plexione, partim *ex divina ordinatione*. ILLE qui ex causarum natu- vel super-
ralium complexione definiri solet, dicitur Terminus Vitæ *Naturalis*, naturalis.
& metiri solet ex causis naturalibus tum *internis* v. g. calido innato,
humido radicali, hominisq; Temperamento &c. tum *externis* v. g.
fame, siti, crapula, aqua, igne, gladio, laqueo &c. prout hæ causæ
externæ vitam nostram naturaliter abrumperè possunt. HIC verò
qui ex divina ordinatione definiri solet, Terminus Vitæ *Supernatura-*
lis audit, prout Deus hisce causis *naturalibus* non alligatus, cursum
earum strictè sequi non necesse habet, sed pro divina sua Voluntate, tan-
quam causarum secundarum Motor, vel naturæ suum cursum relin-
quit, vel eundem ob certas causas *immutat*, *promovet*, *destruit*, *pro-*
longat, *decurtat*, vel *duplicat* &c.

§. 4. Uterq; tum *Naturalis* tum *Supernaturalis* iterum est du- *Natura-*
plex: Et quidem Naturalis est vel *Communis* vel *Singularis*: COM- *lis vel est*
MUNIS est, quem homo per Naturam attingere potest, qui hoc no- commu-
stro tempore eousq; se non extendit, quò tempore Patriarcharum an- nis *vel*
te & post diluvium (a) qui adhuc tempore *Mosis* fuit 70.80. sicut hodie singula-
50.60. annorum. Cujus longævitatis præsertim antediluvianæ cau- ris.
sa fuit *a. singularis Dei benedictionis efficacia* Gen. 3. 20. pro fine ha-
bens tum proliis *Procreationem*, secundum illud Gen. 1. 28. Crescite &
Multiplicamini & replete terram: tum cultûs divini *Propagationem*,
quia tum verbo Dei scripto destituebantur, ubi vita longævior omni-
nò erat necessaria, quâ eò commodius divinus cultus cum verbo Dei
posset propagari. *6. Primæ Creationis Vicinitas*, quâ recens naturæ
creatæ vigor, calidiq; innati & humidi radicalis bonitas, morbis va-
riis adeo adhuc nondum obnoxia, exactè viguit. *7. Nutrimenti Salu-*
britas: Ubi fructus aliæq; herbæ, aquis diluvii postmodum vitiatæ,
nondum consenuerant. *8. Loci Incolumitas*: habitabant etiam in O-

riente, locô illô. tempore ob aërem & solum saluberrimô, ad conservandam Valetudinem multum faciente. Sed de hoc Terminò Vitæ naturali *Communi* h. l. non disquiritur. SINGULARIS est, cuiusq; hominis est, quô singula humana individua, prout is ex cuiusq; coloris & humidi nativi deliquio proficiscitur, sicut *Abrahamus*, *Isaacus*, *Jacobus* Annorum & Vitæ saturrimi, diem suum obiisse dicuntur, vel prout hic vel ille ex nimia Vitæ intemperantia, vel per aquam, ignem, gladium &c. exhaeres vitæ redditur. Et de hoc hic sermo, quando quaeritur: *An hic vel ille Homo, Terminum suum naturalem attigerit, vel is ipsi abbreviatus aut prorogatus sit?*

(a) Sunt, aliàs qui longævam hanc Patriarcharum Vitam negare non subdubitant ex eo, quod annos olim minores habuerint, aliquando *Menstruos*, aliquando *bimestres*, aliquando *quadrimestres*, aliiq; annum suum unâ astate, alii unâ hyeme, alii *quadrupartitis temporibus* determinarint; qualia etiam legere licet apud *Diodorum Siculum Biblioth. L. 1. Macrobius Saturn. L. 1. c. XII. Plinium Hist. Nat. Lib. VIII. cap. 48. Vid. Alexandrum ab Alexandro lib. 3. c. 24. Genialium dierum. Sicut & Varro, teste Lactantio, Lib. 2. c. 13. Verba Mosis ita intelligenda esse statuit, ut per Anni vocabulum non Solaris, sed Lunaræ seu mensis denotetur. Sed contrarium probat *a. plurimum Mensium denominatio*, ut: primi Gen. 8. 13. secundi Gen. 7. 11. c. 8. 14. septimi Gen. 8. 5. *Ecce* finge jam annum fuisse menstruum; nec verba Mosis sic recte se habere poterunt *β. Temporis Generationi Patriarcharum tributi determinatio*, si enim anni fuissent menstrui, Patriarchæ vix 5. 6. 7. annos nati, generare cœpissent, ut patet exemplo *Thara* Gen. XI. 26. Conf. hic *Chronologos*, speciatim *Isingii Exercit. historico-Chron. disp. 1. p. m. 10. Calvisii Op. Chronol. f. m. 172. Strauchii Breviar. Chron. p. m. 313. Johan. Weichmanni Chronol. Sacram lib. 2. p. m. 263.**

Supernaturalis
vel est
gratiæ
vel iræ.

§. 5. Terminus Supernaturalis seu divinus monente Gerhardo in *Disputat. Isagog. Disp. XVII. p. m. 667.* alius est *Gratiæ*, alius *iræ*. Terminus Vitæ supernaturalis GRATIÆ est, quô Vita alicujus hominis vel PROLONGATUR, ut *Hiskia* contigit *Es. 38. 5.* vel ob impendens aliquod malum, & sic ob proprium ipsorum commodum DECURTATUR, de quo *Esaias c. 57. 2. Viri Misericordiae colliguntur*

De Termino Vitæ humanæ.

guntur à facie malitia: Quinam hîc intelligantur Phrasis hebræa clare subinnuit, quando אֲנִי-יְיָ-רַחֵם Viros Misericordiæ, mox vocat צַדִּיקִים Justos, Conf. Sap. 4. 10. Sicut ita Rex Josua ad Patres suos colligebatur, ne oculi ipsius omnia mala viderent, quæ Deus introdukturus erat super loca ista 2. Reg. 22. 20. Idem patet de Abia filio Jeroboami 1. Reg. 14. 13. aliisq;. Quæ Vitæ decurtatio etiam sæpè *citramalum* aliquod imminens fieri solet, quando Deus Fideles suos brevi donat Vitâ; prout Vita Eorum Deo placuit, ne ab impiis seducantur, & malitia hujus mundi pervertat eorum intellectum; Et sic maturè felicitatis ac beatitudinis æternæ Eos posset reddere participes. Conf. Gen. V. 24. Heb. 11. 5. Sap. 4. 7. 10. 11. & 14. &c. Ubi tum illa Vitæ abbreviatio cum longævitatatis promissione minimè pugnat, sicut *Regula Exceptio* (quâ Deus vitam Piorum fidelium abbreviat, quando ipsorum salus & utilitas id poscit) non pugnat cum ipsa *Regula* (Pii erunt longævi) Vel *DUPLICATUR*, quod factum in iis, qui semel verè defuncti, postea verò miraculosè & virtute divina in vitam iterum revocati sunt, (b) quorum *Octo* in SS. literis fit mentio, è quibus tres Veteris Test. historia, reliquos verò novi Fœderis scriptores commemorant. Primus omnium fuit *filius vidue Sareptana* ab Elia Propheta suscitatus 1. Reg. 17. 22. Secundus fuit itidem *Hospita Prophetica filius*, ab Eliæ Successore & Discipulo *Eliseo* ex mortuis suscitatus 2. Reg. 4. 35. Tertius fuit Anonymus quidam jam jam sepulchro mandandus, qui cùm, ingruentibus Syrorum copiis, proximo Elisæi sepulchro injiceretur, ossaq; Prophetæ contingeret, statim iterum revixit 2. Reg. 13. 21. Ex Novo Test. habemus *a. filiam Jairi* Matth. IX. 18. Marc. 5. 22. Luc. 8. 41. *β. Filium Vidue Nainitica* Luc. VII. 11. *γ. Lazarum Bethaniensem* Joh. XI. 44. à Christo in vitam revocatos, & *δ. Tabitham* mulierem insigniter piam Act. IX. 40. à Petro, & *Eutichum* Act. XX. 9. à Paulo ex mortuis resuscitados. Quibus sic vita ex singulari Dei gratia fuit duplicata. Et licet hæc in Vitam revocatio; post Evangelii confirmationem desierit (quod contra Monachorum, de multis Sanctis mortuorum resuscitationes fingentium commenta, notandum) sufficit tamen Deum in his, vitam Eorum duplicando, specialem suam gratiam declarate voluisse.

(b) Resuscitati etiam leguntur *Sancti* à Christo, tempore Resurrectionis, qui Hierosolymam vivi intrarunt; Sed quia

Hi diem suum non iterum obierunt, sed unâ cum Christo in cœlum ascenderunt, ut: ex *Eusebio, Epiphanio, Ambrosio*, contra *Comarinum* aliosq; id probatum ivit *Excell. Bebelius pecul. Disput. de Bis-Mortuis Argent. An. 1672. ventilata, p.m.16.* idcirco exemplum hoc, ceu hîc alienum, meritò omittimus.

*Terminus
Superna-
turalis
Iræ.*

§. 6. *Terminus Vitæ Supernaturalis IRÆ est, quò Vita alicujus Hominis tantum decurtatur, quod fit in hominibus sceleratis, quos Deus in pœnam, in medio dierum perdit, temperamentum ex sua natura validum vel turbando, vel causas externas illud dissolventes non impediendo. Qualem Terminum Deus Sceleratis & Impiis prædefinivit, Vid. Gen. 9. 6. Exod. 22. 24. Lev. 19. 8. Deut. 21. 18. Ps. 55. 24. Matth. 26. 52. inq; multis impiis & sceleratis hominibus executus est, sicut experti sunt Ger & Onan Gen. 38. 7. 10. Israëlita Num. 14. 29. Egyptii Exod. 14. 28. Absolon 1. Sam. 18. 9. Aliiq; multi. Quæ vitæ decurtatio hîc iterum cum diuturniore & feliciore multorum Sceleratorum Vita non pugnat, sicut Exceptio Regula (quâ Deus ex infinita sua gratiâ ipsis dat tempus pœnitentiæ Luc. 13. 8. 9. Rom. 2. 4. 2. Pet. 3. 15.) non pugnat cum ipsa Regula (impii dies suos non dimidiabunt Ps. 55. 24.) Nec hîc diffitemur & alias justissimas Deum ubiq; adhuc habere causas, etsi Nobis in hac infirmitate occultas, cur Injustum in injustitia sua longiùs vivere, Justum contra in sua Justitia ante tempus occumbere sinat. Ipse B. Scherzerus in Breviario suo Hulsemanniano Cap. IV. de Providentia Dei p.m. 289. Utrumq; hunc Vitæ humanæ Terminum naturalem & supranaturalem symbolicè propterea per jucundam harmoniam cum Clepsydra naturali & cœlesti comparare voluit, hoc pacto: Si elapsa sit Clepsydra Cœlestis, homini ex decreto vel effectivo vel permissivo moriendum sit, sive Clepsydra naturalis adhuc plena sit, sive ex Marasino naturali, id est temperamenti vel roboris naturalis deliquio, evacuata. Si adhuc plena sit mors violenta, si evacuata mors naturalis sequatur. Quod si evacuatâ Clepsydra naturali cœlestis adhuc plena sit, Deus naturalem denuò impleat, ceu exemplo *Hickia* constet Es. 38. 5. Hæc Scherzerus.*

*Uterq; &
naturalis
& super-
naturalis*

§. 7. Utrumq; verò talem Vitæ terminum Deum hominibus constituisse, certum & manifestum est ex Job. 14. 5. *Tempus homini certum præstitutum est, numerus mensium apud te est: Terminum ipsi præstitisti, quem non transibit.* Item ex Ps. 139. 18. *Imperfectum meum vide-*

runt

De Termino Vitæ humanæ.

7

runt oculi tui, & omnes dies mei consignati erant in codicillis tuis, pri- à Deo
usquam adhuc fierent. Conf. Ps. 31. 16. Act. 2. 23. c. 17. 26. Matth. constitu-
6. 26. Prov. 16. 33. c. 15. 24. seq. c. 21. 1. &c. Quorsum & facit can- tus.
tilena Ecclesiastica: Wenn mein Stündelein vorhanden ist. Utrum
verò Deus ex absoluto, fatali & simplici, omnes alias causas & cau-
sarum respectus antegresso decreto, utrumq; hunc Vitæ Terminum
ita constituerit, ut, quò tempore & modo homo moritur, eo, &
non alio tempore & modo mori ei necessum fuerit: De eo meritò
controvertitur.

§. 8. Nos omninò cum Theologis Orthodoxis quæsi negativam Sed non
amplectimur. Quod dum ex ipsis S. Scripturæ fontibus probare ag- absolute
gredimur; in limine damus a. Deum omnia vel absolute vel posita hac & fata-
vel illa conditione eventura, ab æterno prævídísse: largimur b. De- liter.
um quoad nostrum intelligendi modum, omnia ex hac prævisione præ-
scire (c) Concedimus γ. Deum utrumq; Vita Terminum naturalem
& supernaturalem cuiq; fixisse & constituisse. Admittimus δ. hunc à
Deo cuiq; fixum & constitutum Vita Terminum certò & infallibiliter
eventurum. Nimis clara enim de his omnibus extant S. Scripturæ
testimonia, ut adeo id ipsum negare, ipsa fides prohibeat. Si enim
capilli nostri numerati, sic, ut ne unus sine nutu divino de hominis
capite defluere possit, imo si ne passerculus absq; divina Voluntate de
recto cadit, multominus homo absq; divina voluntate vitæ suæ ja-
cturam faciet. Vid. Matth. 10. 29. 30. Conf. hic Danhaw. Hodesoph. Pha-
nom. IV. p. m. 328. D. Agid. Hunnium qq. de Provid. p. m. 39.
Brochm. Syst. Theol. de Provid. q. 4. p. m. 537. Kromajcrum de Provid.
p. m. 344. Scherz. Brev. Hulfem. p. m. 288. & Syst. Theol. de Provid.
p. m. 128. Feurb. Fascic. V. Diss. VI. p. m. 842.

(c) Præscientia hæc rectius Scientia dicitur, quia illa de Deo sic
dicitur per αὐτῶν πᾶσι γινώσκον more humano & in si-
gno rationis, quia Deus extra temporum intervalla ἐν τῷ αἰῶνι
æternitatis vivens, omnia sibi habet præsentissima, ipsiq; ni-
hil futurum est.

§. 9. Quod ita firmiter asserimus, ut cuivis constet, quàm lon- Notantur
gissimè hîc ab antiquissimorum Philosophorum Epicuræorum senten- Epicurei.
tia abludamus, Terminum vitæ planè fortuitum facientium. Cùm
enim Providentiâ Divinâ omnia sustentari & gubernari sciamus, to-
tidemq; sacræ Scripturæ id confirmant Testimonia; sic Athens sit,
opor-

oportet, qui omnia *casu* & *fortuito* ferri, defendere non crubesceret.

Verum sub intuitu causarum secundarum. §. 10. His sic prælibatis; Eorum sententiam non facimus nostram, qui Affirmativam quæstionis propositæ propugnant, Deumq; ex *absoluto* & *simplici*, omnes alias causas & causarum respectus, antegresso Decreto, Terminum Vitæ homini constituisse & fixisse, defendunt; Damus enim *α. Deum omnia prævidisse*, tam ea, quæ *absolutè*, quàm quæ *positâ hac vel illa conditione* eventura erant. Quæ prævisio *in se* quidem *essentialiter* & *simpliciter* nullatenus per certas determinari potest temporis differentias, sed omnia ita præsentissimè à Deo cognoscuntur, ut nihil ipsi *Præteritum* vel *Futurum* esse possit, attamen ut se habet ad *res prævisas*, omnino illa *limitata* esse potest, prout *αὐτῶν πᾶσι* & secundum nostrum intelligendi modum, *ita res prævidet*, ut *eveniunt*. Non quasi ex ignotis ipsi facta sint nota, sed quod *simplici visione* & *notitia*, *mutabilia immutabiliter*, *successiva simul*, *temporalia ab æterno*, & quæ adhuc *futura sunt*, *præsentissimè* unò *simplicissimò actu* cognoverit & cognoscat.

Ex prævisione. §. 11. Largimur *β. Deum ex hac Prævisione omnia præscire*. Non verò illa sic præscire dicimus, quia ex *absoluta voluntate* sic fieri decrevit, vel quasi illa *Præscientia* à divino ejus *Decreto* dependentiam inferat, *illudq;* sequatur, sed decrevit, prout res eventuras *præscivit* & *prævidit*, ita ut *Decretum divinum* potius à *Præscientia* & *Prævisione*, ipsaq; *Præscientia* & *Prævisio* à causarum secundarum actionibus *physicis* & *moralibus*, tanquam ab objecto, nostro intelligendi modo, pendulæ dicantur, & non causæ hæ ab ipsa Dei *Præscientia* vel *Decreto*.

Et præscientia. §. 12. Concedimus sic etiam *γ. Deum Terminum Vitæ cuiq;* fixisse & constituisse, sed non ex *beneplacito Dei absoluto*, omnes alias causas & causarum respectus antegresso, sed ex *beneplacito ad res & causas prævisas inflexo*, prout illa constitutio ex causarum naturalium vel moralium fluxu hîc definiendâ est. Et quemadmodum *Prævisio Dei in se & simpliciter* spectata, ita certis temporum intervallis non determinari potest, sic nec ultima hæc *Terminalis Vitæ Constitutio*. Quæ sic promiscuè etiam vel terminis *præteritis* vel etiam *præsentibus* in sacra Scriptura describitur. Ubi omnia jam pro statò hoc tempore *præterita*, de *præterito* etiam à Deo constituta dici possunt.

Decretoq; ad causas prævisas inflexo.

sunt scilicet *extrinsecè*, *objectivè* & *quoad Nos*, non tamen *intrinsecè*, *subjectivè* & *resp. Dei*.

§. 13. Admittimus *§. Constitutum illum Vita Terminum certò* *Qua*
§ infallibiliter esse eventurum, ob Præscientiam Dei infallibilem, *eventum*
 ob quam res præscita non potest non *evenire*. Quod verò non sta- *quidem*
 tim intelligendum de eventu *necessario, absoluto, inevitabili & fata-* *faciunt*
li, prout eventus hic omnem *contingentiam* tollit, secus enim nullæ *infallibi-*
 humanæ Actiones essent liberæ, nec darentur contingentia? Sed in- *lem non*
 telligendum de eventu *certo & infallibili*, qui *fallibilitatem & incer-* *tamen ne-*
titudinem saltem negat, ob res divinitus præscitas, *infallibiliterq;* *cessarium*
 futuras. Ubi sic quoq; Vitæ Terminum, ex causis *infallibiliter*
 eventuris & prævisis, *infallibili Decreto* constitutum, *infallibiliter*
 quoq; eventurum dicimus.

§. 14. Ex quibus sic patet, quænam Orthodoxæ Ecclesiæ de *Hac Or-*
 hoc *Vita Terminò* sit sententia, Deum scil. non ex *absoluto omnes cau-* *thodoxa*
sas & causarum respectus antegresso decreto & beneplacito, Terminum *nostra de*
Vita definivisse; Sed sicut Deus *omnia* ab omni æternitate eventura *Termino*
 prævidit, *Illos scil. homines* ex voluntatis libertate media omnia ad *Vita Sen-*
 Vitæ prorogationem assumpturos; *Hos verò* Voluntati divinæ re- *tentia.*
 pugnaturos, & media ad abbreviationem vitæ facientia, acceptu-
 ros, mortemq; præmaturam sibi acceleraturos; Sic ILLIS ex mera
 gratia causas naturales, ne per causas externas violentas citius ex-
 tinguerentur, conservare, corruptas restituere, & sic *Terminum Vi-*
ta prolongare, vel ob *malum* quoddam *imminens*, & loquente Scri-
 pturâ, ne cor eorum malitiâ pervertatur, vel alia de *causa*, etiâ
 Nobis in hac infirmitate *occulta*, Terminum Eorum vitalem *abbre-*
viare quandoq; constituit & decrevit. HIS verò ut Impiis & Scele-
 ratis, pænæ locò causas naturales contrahere, naturæ vires impe-
 dire, & sic Vitam Eorum *abbreviare*, vel ex singulari & æquissimo
 Judicio, vel in pœnitentiam vel in pœnam temporalem, suò con-
 cursu ad commodum tempus *conservare & prolongare* decrevit.
 Adeoq; Deum sic non ex *absoluto*, rem omnem *necessitante Decreto*,
 sed ex causarum tam *naturalium* quàm *voluntariarum*, adeoq; me-
 diorum divinitus præscriptorum præviso *usu* vel *neglectu*, Terminum
 Vitæ definivisse, fixisse, præordinasse & constituisse, jam probabit

S E C T. I I.

Tradens Veræ hujus & Orthodoxæ Sententiæ
Βεβαιωσιν five probationem.

Quibus sit
opposita
ostendi-
tur.

§. 1. Cùm itaq; Vitæ humanæ Terminus *a.* non sit *fortuitus*, ut *Epicurei*, (d) nugantur. Nec *G.* *absolute*, *fataliter*, *necessario*, *inconditionate*, *irresistibiliter* & *irrefragabiliter*, absq; ullo causarum secundarum intuitu & respectu à Deo constitutus, quasi per hanc *inevitabilem* ex absoluto Dei Decreto resultantem *necessitatem*, hominem hunc, nunc vel tunc, hoc vel illò modò mori oporteat, ut Calvinus *Lib. 3. Instit. Th. c. 23. §. 6. seq.* Zanchius *Töm. 2. loc. 5. de Nat. Dei c. 1. p. 442.* Piscator *Vol. 1. Loc. 6. Th. 63. p. 128.* Beza *part. 2. Resp. ad Acta Colloq. Momp. p. 152.* Hassiaci in *Synod. Dordrecht. de Art. 3. § 4. p. 695.* Aliiq; in Reformatorum Scholis instituti, seriò propugnant; ceu ex Eorum scriptis prolixè probavit Menz. *pecul. Disput. de Term. Vita ap. 4. ad 15.* Nec *γ.* etiam planè sit *Mobilis*, ut inter *Arminianos* Episcopius *Tom. I. Oper. p. 2. f. 378.* sentit, sed, uti per divinam Omniscientiam *certò & infallibiliter* ex causarum secundarum, Physicarum & Moralium, in tempore eventurarum intuitu, *prævisus*, & inde ita *præordinatus*, ut huic præ illo longiorem, diuturniorem vel breviorẽ Vitam, ex *gratia* vel *vindicativa Justitia* fixerit & constituerit; Ita Nos mediâ Viâ incedentes *certum & infallibilem* Vitæ humanæ Terminum, certum annum, mensem, diem, certumq; mortis genus, quò ex hac Vita Ei abeundum sit, ex divino Decreto causas antecedentes non respiciente, constitutum quidem esse dicimus, neutiquam verò *absolute & irrefragabiliter* necessarium, vel ex *absolute Dei Decreto* ad Causas antecedentes non attendente, *fataliter* præfixum.

(d) *Epicurei*; ita dicuntur ab *Epicuro* Gentili Philosopho, qui annos ante Christum natum vixit 360. & juxta alios errores, omnes *divinae Providentiæ actus*, circa inferiores mundi partes, & sic etiam circa hominis Vitam, negavit. Nec etiamnum desunt qui *ejus Regulis* favent, nec Verbum Dei nec Deum ipsum curantes. Quos tam S. Scriptura describit. *Sap. 2. v. 6. seq. Es. 22. v. 13. c. 56. v. 12. 1. Cor. 15. v. 32.* quàm experientia ipsa &

De Termino Vitæ humanæ.

11

psa & conversatio ob oculos ponit. Vid. *Pecul. Disput. Meissn. de Epicureismo Witteb. habita An. 1626. Et Stockmanni Elucid. Hares. p. m. 214. Feurb. Fasc. V. Diss. VI. p. m. 846.*

§. 2. Prob. I. *Ex Promissionum divinarum Suavitate:* Quæ circa *Terminum Vitæ* data, annexis pietatis, obedientiæ & pœnitentiæ &c. conditionibus semper fuerunt limitatæ, is enim si absolutè fuisset definitus, frustra hæ conditiones fuissent annexæ. Promissiones tales habentur, *Exod. 20. 12. Honora Patrem & Matrem tuam, ut sis longevus super terram. Cap. 23. 25. Servietis Domino Deo vestro, & benedicet pani tuo & aquis tuis, & removebo infirmitatem de medio tui. Prov. 3. 1. Fili mi, legis mee ne obliviscaris & præcepta mea custodiat Cor tuum. v. 2. quia longitudinem dierum & annos Vitarum & pacem apponent tibi. Prov. 4. 10. Suscipe eloquia mea & multiplicabuntur tibi anni Vita. Adde Dent. 4. 40. c. 5. 16. c. 8. 1. c. 11. 9. c. 17. 20. c. 25. 15. c. 30. 20. Ps. 41. 3. Ps. 91. 16. Ps. 102. 25. Prov. 10. 27. Jer. 18. 7. 8. Eph. 6. 2. 3. 1. Tim. 4. 8. &c.* Sic ob Pietatem Noah cum uxore & filiis eorumq; Uxoribus in diluvio conservabatur *Gen. 7. 8. 9.* Ob eandem Pietatem Loth in Sodomitarum deletionem fuit conservatus *Gen. 19. 15.* Sic Moyses precibus suis Israelitarum perditionem avertit *Exod. 32. 11.* Sic & Ezechia Regi, cum Vitæ suæ naturalem Terminum complevisset, respectu ad ipsius pietatem & preces habitò, ex gratia Deus XV. Annos Ei superaddidit. Paulus suis & Corinthiorum precibus à morte se liberatum dicit *2. Cor. 1. 8. 11. &c.* Plura exempla passim ubivis in Scriptura S. obvia, allegare hic supersedemus. Nec piis hanc Vitæ prolongationem promisit vel concessit, quia ita decrevit; ceu multi has promissiones ita infirmare tentant, sic enim absolutè & illimitatè, & sepositâ omni conditione quoq; promississet? sed id non factum, neq; ad impletâ conditione, id quod promisit, Pios destituere fecit, Ergo.

Prob. a.
Ex divi-
narum
promissio-
num sua-
vitate.

§. 3. Prob. II. *Ex Comminationum divinarum Severitate.* Per-
tinent huc omnes illæ Comminationes, quibus Deus omnibus Impiis, Sceleratis, Impœnitentibus & refractariis, sub intuitu Impietatis & malitiæ, Vitæ breviter minatur. Quales comminationes manifestissimæ, in Scripturis S. passim inveniuntur, ut: *Lev. 26. 24. seq. Quod si non volueritis recipere disciplinam meam, sed ambulaveritis ex adverso mihi, ego quoq; contra Vos adversus incedam, & percutiam vos septies propter peccata vestra. Conf. Dent. 4. v. 26. c. 7. v. 10. c. 3. v. 19. cap. 11. v. 17. c. 30. v. 18. Job. 21. v. 22. Ps. 55. v. 24. Ps. 104. v. 35. Ps. 109. v. 8.*

C. Ex
commi-
nationum
severi-
tate.

Prov. 10. 27. Es. 1. 20. Sic ob impietatem *Ger & Onan* in medio dierum occidebantur *Exod. 32. 27. Core Dathan & Abiram*, cæteriꝑ; Deum blasphemantes *Num. 16. 31. seq.* Et plurimi alii per universam Scripturam passim obvii fuerunt extincti. Jam si homini Vitæ Terminus ex immutabili & absoluto Dei, omnes conditiones excludente Decreto, fuisset constitutus, Scriptura has Conditiones Comminationibus hisce non annexuisset. Nec est, quod *α.* hîc Nonnulli se excusent; Causarum naturalium & moralium conditiones Se non excludere. Dum enim ita sententiam declarant, non loquuntur de ipso Decreto, sed Decreti Executione. Patet hoc ex verbis *Wendelini, Zanchii* aliorumꝑ; Sicut etiam *Piscator* hac de re in *Disput. de Prædestinatione* th. 80. ita scribit: Si, inquit, non Executionem Decreti, sed Decretum ipsum spectes, illud simplex & absolutum est, quippe non aliunde nisi ab ipso Dei beneplacito pendens. Conf. *Johan. Crocium de Elect. Conc. 1. p. 37.* Dicis: atq; sic absolute media non excludunt, sed Executioni includunt. R. *α.* includunt non ut contingenter fluentia, sed ut absolute, fataliter & inevitabiliter, necessitateꝑ; simplici ita futura, talia verò media non possunt esse conditionata, nec executionem limitare, vel sub conditione mediorum executionem relinquere contingentem? Multominus sub horum mediorum intuitu, Deus suas Promissiones & Comminationes ita ad populum dirigere potuit. Licet igitur hîc includant media ita fataliter fluentia, excludunt tamen ab Executione media ita contingenter fluentia. Sive verò illa fatalia media ita includant sive non includant, perinde est, rationes certè in contrarium stantes eò ipsò de Veritatis folio non deturbabunt, nec erroneam suam de absoluto decreto, absolutaꝑ; decreti executione, fatalia licet media includente, sententiam, ita expurgabunt. R. *β.* Dum Conditiones & media sic ad Decreti Executionem tantum referunt, ipsum Decretum verò absolutum faciunt, ab Inconditionato ad Conditionatum sic aperte colligunt. Quis verò hanc consequentiam probaret? Non ad Executionem tantum, sed ad ipsum Dei Decretum quoq; hæ conditiones pertinent. Si enim Executio Decreti est conditionata; ipsum Decretum quoq; tale sit, necesse est, & Vice Versa.

Excip.

§. 4. Nec est, quod adhuc hîc ingeminent: Deum ad exequendum hoc suum Decretum hæc media & conditiones constituisse; Falsò enim id præsupponitur: Media enim & Conditiones in Præscientia vel Decreto divino, rei exequendæ vel Termini Vitæ exequendi

quendi Constitutionem non consequuntur, sed nostro intelligendi modo antecedunt. Quos enim Deus præscivit (Media scilicet vel accepturos vel repudiaturus) illos etiam prædestinavit. Rom. VIII. 29. Secus enim Deus & omnia mala ad Decretum exequendum constituisset? Quis verò adeo blasphemus in Deum fotet, ut id asserere non exhorresceret? Conf. Brev. Hulseman. Extens. Cap. XV. §. 2. p. m. 240. & B. Johan. Ernest. Gerh. Disputat de Term. Vitæ. §. 24. Fcurb. Fascic. V. Diss. VI. p. m. 848. seq.

§. 5. Prob. III. Ex. Prædictionum Conditionatarum Claritate: *γ. Ex*
 Quot enim in sacrarum literarum Pandectis non habentur Prædi- *prædicti-*
 ctiones, quibus Deus vel Gratiam suam, si egerint pœnitentiam, *onum*
 vel Interitum, si in impietate perrexerint, immediate vel mediate *conditio-*
 per Prophetas aliosq; Viros προπνεύσας prædixit? Nonne primævo *natarum*
 Mundo prædixit πανωλετρίαν, nisi intra 120. Annos pœniten- *claritate.*
 tiam egerit, suaq; horrenda flagitia deplorarit? Gen. 6. 3. Similia
 exempla vide Jon. 3. Jer. 18. 7. Luc. 13. 3. 5. &c. Sic aliis etiam fa-
 cinorosis Deus pœnas prædixit infligendas, uti patet ex Gen. 9. 6.
 Dent. 21. 18. Exod. 22. Lev. 19. Matth. 26. 52. Apoc. 13. 10. Jam si
 absolute & citra conditionem pœnas malitiosis præstituisset, hæc
 conditiones non annexuisset, nec homicidis pœnam capitalem sub con-
 ditione patrati homicidii decrevisset, quia hæc duo simul consistere
 nequeunt: Absolute & sub Conditione simul, hoc vel illud velle vel
 non velle.

§. 6. Sunt qui hîc excipere non subdubitant, in iis, quæ Deus
 sic conditionatè prædixerit vel promiserit; sæpe ex voluntate signi non
 semper ex voluntate beneplaciti prædixisse vel promisisse. Ubi Vo-
 luntatem Signi esse dicunt, quâ Deus sæpe exterius aliquid velit &
 præcipiat, quod tamen serio non velit, sed cujus sæpe contrarium
 ut fieret, ab æterno decreverit. Voluntatem verò beneplaciti, quan-
 do interno, arcano & absoluto decreto aliquid velit, etiamsi vel
 maximè externo affectu id non velle significet. Verum *β.* hæc di-
 stinctio hoc sensu (e) sumpta expressè repugnat *α. Dei Veritati*
& Sanctitati, quia omnia Dei opera non consistunt in Simulatione sed
 in Veritate Ps. 33. 4. Si staret hæc distinctio, foret Deus hypocryta &
 simulator, sed non est Deus noster hypocrita vel simulator, non est
 mendax & mutabilis Num. 23. 19. ut foris loquitur, sic intus sen-
 tit. Quæ se velle prædixit, ea etiam verissimè ita vult. Repugnat

Excip.

β.

β. *divina Voluntatis identitati*, distinctio hæc fingit in Deo distinctas voluntates contrarias, *voluntatem* scil. *beneplaciti*, quæ *voluntatem signi* in verbo patefactam, ceu priori contrariam tollat, vel mendacii arguat, quis verò Sanctissimo talem simulatæ contrarietatis notam vellet inurere? Repugnat γ. *Terminorum, signi & signati qualitati*, qui sibi non opponuntur, sed ad se invicem referuntur, ita, ut, quod per voluntatem signi notificatur, id ipsum intus non in contrarium statuatur. Quod igitur Deus vult *extra*, etiam vult *intra*; quare malè ita distinguitur.

(e) *Hoc sensu* notanter: Alio eoq; orthodoxo sensu distinctionem hanc à Lutherò in Cap. 6. Genesios, aliisq; Theologis adhibitam, Vid. apud Meisnerum *Anthropol. Diss. XII. §. XXIII. seq.* Conf. Scherz. *System. Theol. Loc. II. De Deo §. 14. p. 48.*

δ. *Ex precum utilitate.* §. 7. Prob. IV. *Ex fidelium precum Utilitate.* Quales preces inveniuntur partim resp. *nostrum ipsorum*, ut patet exemplo Davidis Ps. 102. v. 25. Regis Ezechia 2. Reg. 20. 1. 2. Aliorumq; 2. Paralip. 32. 24. Es. 38. 1. partim resp. *Aliorum*, ut patet exemplo Orantis Moysis Exod. 31. 11. Quales preces se exauditurum, Deus ubiq; promisit. Jam si Deus immutabili & absolutò Decretò homini Vitæ Terminum prædefinivisset, frustra preces tales pro Vitæ prolongatione fuissent fusæ, sed hoc posterius est absurdum, Ergò & prius: Consequentia patet, quia eventus mortis necessarius omnem precum efficaciam tollit. Conf. hic Bechin. *Annot. ad Hutterum Loc. de Provid. p. m. 100.* & D. Ægid. Hunnium *Tom. I. de Providentia p. m. 713.* Gerhard. *Tom. VIII. de Morte p. m. 99.* Danhaw. *Hodosoph. Phæn. 3. p. m. 331.* sed inquis: etiam Certitudo & Infallibilitas Termini Vitæ, precum efficaciam videtur enervare, ut per hanc quoq; frustra preces pro Vitæ prolongatione vel abbreviatione fundi videantur. Verum r. non *Infallibilitatem*, sed ex decreto Dei absoluto fluentem *inevitabilitatem*, precibus illam vacuitatem inducere, quia illa *limitata*, hæc *illimitata*, Illa sub conditione precum ita dicitur, hæc verò precum condiciones excludit, illa ex harum conditionum prævisione *certitudinem*, hæc ex absoluto decreto *inevitabilem necessitatem* infert, illa precum, ex devotione debitè fusarum & prævisarum, efficaciam includit, hæc ad eandem non attendit &c. Unde diversa *infallibilitatis & inevitabilitatis* ratio satis patet. Multis sane Deus Vitæ

De Termino Vitæ humanæ.

15

Vitæ Terminum in respectu ad prævisas preces, pro Vitæ prolongatione fufas, fixit longiorem, quem non ita fixisset, si preces illas devotas non prævidisset.

§. 8. Prob. V. *Ex Medicina Efficacitate*: Si medicina ideo à Deo creata, ut legitimo eorum usu, Vita hominis prolongari possit, sequitur Terminum Vitæ non absolute & simpliciter, sed sub horum medicorum intuitu esse præfixum; Atqui verum est prius, Ergo & Post. Min. prob. ex Sir. 38. 1. *Honora Medicum propter necessitatem, illum etenim creavit altissimus.* Non igitur Vitæ Terminus absolute præstitutus. Sic enim *α. frustra Deus Medicinam creasset.* Frustra *β. Medicina adhiberetur*, quia nihil ægrotantibus proderet. *γ. Vacuâ Imaginatione studium hoc à Medicinæ Doctoribus excolleretur.* Quis verò Eò dementiæ procederet, ut id asserere non renueret? Malè Rex *Ezechias* sic ex mandato Prophetæ, ficorum massam super ulcus suum posuisset, nec curari inde potuisset, quod tamen factum legimus 2. Reg. XX. 7. Si medicamentum hoc sprevisset, graviter fortè peccasset. Sic & Christus cœlestis ille Medicus noster *Exod. 15. 26.* multos sanavit ægrotos, teste historiâ Evangelicâ. Idem fecerunt Apostoli *Marc. 6. 13.* & Presbyteri in primitiva Ecclesia *Jac. V. 14. 15.* Ab hac Medicinæ efficacitate tamen non excludi volumus Piorum Preces Dei; *Voluntatem.* His enim absentibus & optima medicina nihil prodest, sicuti Rex *Asa* à morbo suo non convaleuit, sed obiit, quia in infirmitate sua non quæsierat Dominum, sed in Medicorum Arte fuerat confusus. 2. Par. 16. 12. 13.

§. 9. Nec est, quod hic Quidam excipiant: Medicinæ efficaciam hîc subordinari ex *Divino Decreto*, quò omnia, quæ fiant, ita Dei inevitabili decreto fiant. Resp. enim: Decretum Dei hic admitendum, sed non *fatale & absolutum*, sed *limitatum & conditionatum*; quo multi Medicorum ope, Deo virtutem & efficaciam largiente, ex morbis ita recreantur, Qui, si illa media contempsissent, Deus fortè illas etiam in vita ita non conservasset, sed siviſſet Eos mori. Si etiam fataliter & ex decreto divino ita adhiberentur Medici, nunquam sanè negligentiae vel inscitiae possent incusari, nunquam reprehendi, quia sic culpa non esset in *Medico*, sed in *Deo*, nunquam etiam Medici mererentur laudari, quod accuratè magna; diligentia ægrotos curarint. Nec Pharmacopolæ cuidam, quis crimen movere posset, quod ex scabiosis quandoq; herbis Medicamentum præparârit & Accesiam

Excip.

Re.

Acessiam egerit &c. Sed cum hæc ita statui nequeant, omnino hæc omnia ita ex absoluto decreto dependere, minimè concedendum. Vid. *Hunnum c.l. de Providentia. Conf. Feurb. c.l. de Vita Terminò.*

§ Ab Arbitrii libertate.

§. 10. Prob. VI. *A relictâ in Hominibus Arbitrii Libertate*, quod Experiencia rerum magistra satis comprobât, Non quidem in *Spiritualibus & Theologicis*, Actionibus tamen *externis profanis & mundanis*, rationi humanæ & sensibus subjacentibus, ceu sunt *a. actus naturales* ad vitam hominis naturalem & animale[m] spectantes, ut sunt: *edere, bibere, dormire &c.* *b. actus civiles*, qui à bono cive per leges Magistratus requiruntur, ut: *militiam gerere, tributum solvere &c.* *γ. actus morales*, in genere ad virtutis & vitiorum exercitium spectantes, de quibus in Ethicis *δ. actus artificiales*, in genere ad artes liberales & illiberales pertinentes, ut: *Artes manuarias exercere, terram colere.* Certè in his hominem habere libertatem, quis negabit? Non subabsurdè hic inquit Scotus: *Non tam rationibus quàm cruciatibus esse agendum contra negantes hoc. Tamdiu enim verberibus pulsandi essent, donec confiterentur, in nostra potestate esse, eos non amplius pulsare, si conquererentur de injuria, responderi posset, quid de nobis conquerimini, cum vos ipsi asseratis, non esse in nostra potestate cessare à verberando.* Hisce omnibus sic repugnare dogma de *fatali Vita Terminò*, cæcus sit qui non videat, siquidem dogma hoc apertè *negationem contingentia & Liberi Arbitrii* infert. Quod candidè fatetur *Piscator, Non nego*, inquit, *per necessitatem à divino decreto dependentem, everti libertatem istam* *Part. I. Resp. ad Duplic. Vorst. p. 230. circa fin. Conf. hic Menz. Exeg. A.C. Art. 18. edit. 6. p. m. 776. Carpzovii Isagoge ad A.C. p. m. 480.*

§. 11. Prob. VII. *Ex notabiliorum exemplorum, certa alicujus conditionis observationem includentium, Claritate.* Adducimus hîc *a. Exemplum LOTHII ipsiusq[ue] uxoris Gen. 19. v. 12.* liberati ab interitu Sodomitico, non simpliciter quicquid etiam agerent, sed sub conditione, si egrederentur, & non retrospicerent. Hinc etiam *Lotho credere nolentes deleti v. 25. & uxor ejus retrospiciens versa est in statuam Salis v. 26.* Ubi sic Lotho Terminus Vitæ fuit ab æterno prolongatus, non simpliciter sed sub *prænotione istius mandati, de discedendo observari.* Nec ipsius Uxori sic Terminum Vitæ decurtandum ab æterno constituit *absolutè*, sed sub *intuitu ad ipsius retrospeditionem*, Allegamus hîc *b. Exemplum DAVIDIS*, illò tempore, quò

quò Saul urbem *Ceilam* evertere meditabatur, ita Dominum rogan-
tis: *An dedituri essent ipsum in manus Saulis cum suis hominibus?* Ubi
Dominus respondit: *dedituri sunt.* Sic verò David cum viris suis
egressus de Ceila & liberatus. 1. *Sam.* 23. v. 11. seq. Hic clarissimè
patet, Davidi Vitæ terminum hîc fuisse prolongatum, non *simpliciter*,
sed sub *intuitu egressionis*. Si enim David in *Ceila* mansisset, ve-
nisset cum suis in manus Saulis, & periisset, sicut Deus ipsi prædi-
xerat. Urgemus γ. *Exemplum IUDÆORUM* Jer. 21. v. 9. 10.
Cap. 38. v. 1. 3. Ubi Deus ostendit Judæis, quomodo forent pereun-
di, si in Civitate à Rege Babyloniorum exurenda, manerent; con-
tra pollicetur, quomodo vitam sint conservaturi, si *urbe exirent*, &
ad *Chaldaeos confugerent*. Quod etiam ita fieri ab æterno decreverat,
non quidem *simpliciter*, sed κατὰ ἀνέκδοτον observantia vel negli-
gentia populi, hoc Dei monitum vel observantis vel despicientis. Pro-
minimus hîc δ. *Exemplum PAULI & SOCIORUM Ejus*. Hi enim
unâ classe proficiscentes, cùm naufragere inciperent, Paulusq; ex
Angelo Dei audivisset, omnes periclitantis Navis Socios ipsi à Deo
esse donatos, statim Nautas, demissâ in mare scaphâ, effugere quæ-
rentes, ita inclamavit; *Nisi hi in Navi manserint vos salvi manere non*
potestis. Act. 27. 30. 31. Quid planius hîc dici posset? Hîc enim è
naufragio eluctari quærentibus, Vitæ Terminus fuit prolongatus,
non *simpliciter*, sed sub hac expressa conditione, ut manerent in navi.
Certè si è navi fugissent, periissent, & Deus, Qui sub *intuitu hujus*
conditionis, quâ ipsos mansuros in Navi ab æterno prævidit, in
sua infallibili ἀνέκδοτον alium & quidem longiorem Vitæ Termi-
num ipsis quoq; præstituiere voluit. Plura omninò exempla ex sacra
Scriptura hic congerere possemus, si non breves hîc Nobis ducendæ
forent lineæ; Quæ B. L. proin proprio studio ex S. literis sibi col-
liget.

§. 12. Prob. VIII. Et ultimo; ex absurdorum inde emergentium θ. Ex ab-
Pluralitate. Si enim Deus Vita Terminum Homini cuivis, ex abso-
luto & simplici, omnes alias causas & causarum respectus antegresso plurali-
Decreto constituit, sequitur α. Deum esse causam peccati, Qui tate.
omnia ita irresistibili & inevitabili quoq; necessitate ordinâset, in-
temperantiam, crapulam, libidinis exercitium, latrocinia, aliâq;
quæcunq; scelera & flagitia ita fieri absolutè decrevisset. G. Deum qui-
busdam constituisse Vita Terminum infamem v. g. per suspendium, i-

gnem, rotam, suffocationem &c. absolutè lubeundum. Hòc modo per *ἀπολογίαν* Saul 1. Sam. 31. 4. Achitophel 2. Sam. 17. 23. Judas Matth. 27. 3. &c. fataliter occubuissent, Israëlitaq; Inevitabiliter à serpentibus fuissent necati, non quia contra Dominum murmurârunt Num. 21. 5. 6. Sed quia ex *absoluta voluntate* sua, internecionem hanc ita decrevit. Imo γ. inde sequitur: *Nullum hominem jure delicti alicujus posse incusari*: Sic innocenter Fures, Latrones, aliq; Malefici in rotam subigerentur, strangularentur, aut aliis suppliciis exterminarentur, quia fatali impulsu sic eò fuerint adacti. Et quæ absurda plura inde fluunt & emergunt. Hæc verò cum manifestissime falsa sint, quis errorem talia absurda parturientem non corrigeret?

§. 13. Sed inquis: Talia absurda aliquem in communi illa persuasione ex quacunq; *Praordinatione* divina, sive *absoluta & simplici*, sive *limitata* vel ad *causas causarumq; respectum inflexa*, inferre posse, quia etiam hæc, talem rebus superinducat eventum, ut eadem ratione illa inde sequi videantur. β. Nequaquam; Eventus enim *certitudo & infallibilitas* talia non gignit, sed eventus *necessitas & inevitabilitas*, quia priori modo illa ita eveniunt, quia Deus illa ita eventura *prævidit*, posteriori verò modò, quia Deus illa ita absolutè evenire *decrevit*. Jam quia prior eventus ita ex rebus prævisis, non verò ex Dei absoluto beneplacito præordinatus, quomodo eadem ratione quis illa absurda inde deducere poterit, attribuendo ea Deo, quæ rebus prævisis imputanda erant? Sic v. g. quia multi naturaliter in multam usq; senectam vivere poterant, prævidit Deus, hos illosq; sua *intemperantiâ, ebrietate, crapulâ, libidine*, aliisq; peccatis morbos sibi conciliaturos: Item prævidit Deus in *Furibus, Latronibus* aliisq; Maleficis, qualia commissuri sint scelera, quomodo eò tempore, quò naturaliter adhuc valebant, præmatura & infami morte sint obituri, quomodo alii in rotam subingentur, alii gladio percutiuntur, alii strangulabuntur, quomodo id Deus *prævidit*, ita quoq; *præsumit*: Si *ἀσώτων* & maleficorum talium nequitiam eorumq; pœnam & præmaturam Vitam non *prævidisset*, Vel si aliter Eos victuros prævidisset, prævisam & præmaturam infamem mortem eis Deus in eorum pœnam non fixisset, sed diutius illos vivere sivisset.

Ex his

§. 14. Quæ cum ita sint, manifestissimum est, illa absurda eadem

eâdem ratione ex eventu illo certo & infallibili minimè sequi, talesq; αἰσώτες latrones, fures, aliosq; maleficos Deum non posse incusare, quando ita præmaturâ morte intercunt, quasi absolute & inevitabiliter hunc eis *Terminum* fixerit, & illô & non aliô modô & tempore, eos mori decreverit; fecit enim id ex intuitu causarum secundarum. Quod jam causis secundis imputari fas est, Deo tribui nequit. Et hæc pro confirmatione Sententiæ nostræ hîc sufficiant. Plura Argumenta desiderantem remittimus ad D. Ægid. Hun. Tom. 1. Op. fol. m. 712. D. Gerhardum Tom. VIII. L. C. C. VII. p. m. 91. D. Feurb. Fascic. V. Disp. VI. & VII. de dicto Jobi p. m. 860. seq.

sic claretas Theos patet

S E C T. III.

Expediens Argumentorum Contrariorum

διάλυσιν sive resolutionem.

§. 1. Confirmatâ sic Orthodoxâ nostrâ de *Termino Vita humana* sententiâ; Jam brevibus Argumenta illa veniunt resolvenda, quæ hic in contrarium communiter objiciuntur. Primo enim huic sententiæ contrariari inquirunt, Dictum illud Job. 14. 5. Ubi dies nostri dicantur ad mensi: *Definiti sunt dies ejus, numerus mensium ejus apud te est: Constituisti terminos ejus, quos non præteribit.* Sed R. Dist. inter constitutionem certam sive infallibilem & absolutam sive fatalem, illa, non hæc indicatur; Nullibi enim Jobus fatali, simplici & absoluto modo, illam constitutionem factam esse insinuat. Jam ab illa ad hanc non V. C. Illa enim causarum secundarum respectum includit, Hæc eundem excludit. Nec est, quod hîc ex hebræo urgeant phrasin תַּעֲשֶׂה קִרְבִּי Nam vocula קִרְבִּי etiam *Terminum* notat ceu patet ex Job. 26. v. 9. & Prov. 8. 29. Et posito, per hoc vocabulum significari *Decreta*, non tamen significant absoluta, sed respectiva, indistinctam causarum secundarum χείρ includentia. Sicut etiam ultima verba: ; וְלֹא יַעֲבֹר Et non præteribit, non intelligenda sunt in respectu ad absolutum & simplex aliquod Dei decretum, sed in χείρ ad infallibilem ipsius ωσέγγνωσιν & sapientissimam Providentiam. Neutiquam igitur dictum hoc favet fatali illi necessitati. Vid. Hunn. Tom. V. Op. p. m. 523. Feurb. l. c. p. m. 844. Prückn. Vindic. in h. l. p. m. 207. Menz. Disp. de Term. Vita p. m. 28.

Argu-
menta
contraria
diluun-
tur.

Arg. 1.

R.

Arg. 2.

R.

§. 2. *Secundò sententiam suam propugnant ratione, à Præscientia divina deprompta, quæ rebus infallibiliter præscitis, necessario certissimum afferat eventum, ita, ut, quò mortis genere, locò & horâ homo moriatur, Eum ita mori oportuerit.* Sed R. 1. Argumentum hoc niti falsâ hypothesi, de Præscientia divina res præscitas necessitante, vel Præscientiam esse rei præscitæ causam, & quidem non tam illationis, quàm productionis & essentia, hoc sensu enim & omnium scelerum, quæ eventura præscivit, esset causa, quod absurdum. De-
 us omnia, quorum ipse Author est, præscit, non tamen omnium quæ ipse præscit Autor est, inquit August. lib. 3. de Lib. Arbit. c. 4. R. 2. Negatur Præscientiam certissimum eventum rebus prævisis afferre, quia Deus multa futura contingentia conditionata præscivit, vel futura-
 bilia, quæ tamen non evenêrunt, v. g. cum Salvator exclamat; *Matth. 11. 12. Va tibi Chorazin, Va tibi Bethsaida, quoniam si in urbe Tyri & Sydonis facta fuissent virtutes, quæ factæ sunt in Vobis, in sacco & cinere pœnitentiam egissent.* Confer Exemplum de Davide 2. Sam. 23. 10. R. 3. Dum ita de Præscientia Dei non intrinsecè & rat. essen-
 tia, sed extrinsecè, & prout ad res præscitas inflexa est, disputamus, tum illa infallibilitatem & immutabilitatem illam, non infert rebus ex se & à priori, sed duntaxat ex præscito objecto & à posteriori, prout necesse est eam rem esse, quam Deus scit. Quæ verò res omnino poterat aliter esse in sua natura, sicut tunc Deus quoq; aliter hanc rem præscivisset. Quare non tam à Præscientia tanquam causa, sed à Rei eventu vel objecto, ita à Deo præviso vel præscito illa infallibilitas potius inferenda. Nec ideo inquit Rudrauf. *Instit. Metaph. Cap. 8. p. m. 340. Res futura sunt, quia prævidentur, sed ideo prævidentur, quia futura sunt. Ubi sic objecta Præscientia, in signo rationis priora ipsâ scientiâ, & sic Scientia eorum causa non sit. Dicis: Præscientiam hic non esse simpliciter spectandam, sed complexè, quatenus Decretum & Voluntatem Dei habeat conjunctam?* Ita Chamier Panstr. Tom. 2. l. 2. de Provid. c. 4. Conf. Urfin. in Tract. Theol. p. 67. Sed R. Hæc posse concedi, si a. non intelligatur Decretum fatale & absolutum, sed conditionatum & ad res prævisas inflexum; & si cum Præscientia non confundatur, sed ut distincti actus inter se distinguan-
 tur. Differunt enim Subjectivè & Objectivè. Præscientia namq; ad Intellectum refertur, & circa omnes hominum actiones, bonas, ma-
 las, imo nonnunquam etiam futuras & impossibiles versatur; Decretum
 verò

verò ad *Voluntatem* pertinet & circa possibilia tantum occupatum est. *Excipis*: Etiam à *Wendelino* & aliis hæc ita distingui. R. distinguuntur, sed *ordine inverso*, quò Præscientiam Decretò faciunt posteriorem, eiq; objectum assignant, jam antè decretum, uti hoc *Wendelinus* Aliiq; pro inferenda rei cujusq; præscitæ necessitate, expressè innuunt, Vid. *Wendel. p. 1. Thol. Vindic. c. 25. p. 834.* At verò inter actus Intellectûs & Voluntatis divinæ, Decretum non antecedit, sed Præscientiam sequitur. Conf. *Rom. 8. v. 29.* Ubi præscita Deus prædestinare, non prædestinata præscire dicitur. Quod prius & posterius actibus divinis ita convenit, non *in se* & *subjectivè*, sed *objectivè* & *rat. rei*, circa quam illi Actus ita occupantur. Vid. *Feurborn. l. c. §. 44. seq.*

§. 3. Tertiò suam sententiam communiunt ex *Psal. 39. 61.* Arg. 3.
 הָיָה טַפְחוֹתַי נְתָתָה יְמֵי : *Ecce ut palmos posuisti dies meos.* R.
 Ex dierum fugacitate vel brevitate, malè inferitur absoluta. Ejus fatalitas; de priori enim non posteriori h. l. agitur. Et posito, etiam hîc
 R. agi de Vitæ Terminò, palmorum mensurâ dimenso, sic ejus dimensionem concedimus, fatalem verò ejus constitutionem negamus. Nec est quod hic jungant locum *Pf. 31. 16.* *In manu tua tempora mea*, sunt enim omninò omnia, quæcunq; homini in hac mortalitate obtingunt, in Dei providentis & decernentis manu, sed non fataliter & ex absoluto decreto, sed certò & infallibiliter. Nec est, quod ulterius excipiant: Omnem infallibilitatem inferre immutabilitatem, infert quoq; eandem, sed non quæ ab absoluta Dei voluntate & beneplacito, sed à causis secundis eorumq; eventu ita prævisò propendet.

§. 4. Quartò urgent; *Definitum Dei Consilium de Christi Morte*; cuius mentio fiat *Act. 4. 28.* ubi expressè dicatur, *Herodem & Pilatum convenisse, ad faciendum, quacunq; manus Dei, & Consilium ejus prius decreverit, ut fierent.* Idem haberi *Act. 2. 23.* Hunc enim definito Consilio & præcognitione Dei deditum, cùm accipissetis &c. Arg. 4.
 R. Quod interpretatur *Chamier Tom. 2. l. 3. c. 4. §. 25.* Non decretum esse duntaxat definitò Consiliò, ut Christus pateretur, sed etiam ut Judæi Eundem interficerent. Hinc etiam extare *Luc. 24. 26.* οὐχὶ ταῦτα ἔδει παθεῖν τὸν χριστόν; Nonne hæc oportuit Christum pati? Sed R. ex definito Dei Decreto & Consilio, omninò oportuisse Christum pati & mori, sed non ex Decreto Dei simplici & absoluto, sed hypothetico, ad salutarem *Generis humani Redemptionem* inflexo, quod Decretum adeoq;

adeoq; non infert Necessitatem consequentis & absolutam, sed consequentia seu hypotheticam. Deinde Decretum de Mediis ad finem istum tendentibus, non fuit causale, v.g. Quia Deus decrevit, ideo Herodem & Pilatum convenisse? Sed fuit ordinis & consequentia, v.g. Postquam prævidit Deus, quod Judæi Christum odiis indefinentibus essent persecuturi & deniq; in crucem acturi, idcirco etiam ita decrevit. Quod si Judæi ab ista nequitia sibi temperassent, aliter etiam Deus ab æterno Genus humanum redimere decrevisset, potuisset enim Christus mori, nullâ ullius hominis malitiâ vicariam manum præbente. Decrevit verò Deus, ut per manus Judæorum Christus crucifigeretur, decreto non effectivo, sed permissivo, non concessionis sed tolerantia. Non enim legitur Act. 9. 28. Deum Pilatum & Herodem prædestinasse, ut ista facerent, sed eos fecisse, quæ Manus & Consilium Dei prædestinaverat fieri. Nec obstant hic Vaticinia & Typ. V.T. tam de Christi Passione, quàm de Judæorum Malitia extantia, Quod oportuit ea omnia impleri? R. oportuit ea impleri non necessitate causali, i.e. quasi Vaticinia causa fuerint istorum eventuum, sed eventuali, quia scil. eventus isti futuri erant, & à Deo prævisi, ita etiam à Deo prædicti. Vid. Hunn. Tom. I. Op. Lat. Col. 726. seq. Hutter in LL. Theol. p. m. 773. Thumm. in Impiet. Photin. p. m. 316.

Arg. 5.

R.

§. 5. Quintò sententiam suam ex eo stabiliunt: Quod omnes actus voluntatis humane tanquam causa secunda, dependant à Prima. Act. 17. v. 28. Ubi in Deo esse, vivere & moveri dicamur. R. Dependunt à prima non fataliter, sed cum Voluntatis libertate & Rerum contingentia. Providentia enim & Concursus Dei hanc hominis libertatem non tollit. Ut enim ante lapsum stante Dei Providentiâ, Voluntas humana erat libera; Ita adhuc hodie Deus concurrat cum causis secundis & hominum actionibus, non pro sua natura, sed pro natura causa secunda, ubi cum liberis concurrat liberè, cum contingentibus contingentè, cum necessariis necessariò. Et quando sic concurrat cum Voluntate hominis, concurrat tantum ad id, ad quod voluntas jam ante liberè sese determinavit. Nec obstat: Voluntatem ipsam esse à Deo, Ergò & ejus libertatem; confunditur enim Voluntas ipsa, cum ejus Exercitio. Ibi Deus est causa produciens, hinc tantum concurrrens. Ideoq; à potentia ad actum sic malè colligitur.

Arg. 6.

R.

§. 6. Sextò ingeminant: Prævisum voluntatis exercitium ab æterno fuisse nullum, Ergo illud etiam Decretum Dei non potuisse reddere conditionatū.

R. Fuit

℞. Fuit nullum scil. *Objectivè ab extra*, non tamen fuit nullū scil. *Objectivè ab intra*, prout Deus intra sese, oculo divinæ Omniscientiæ, omnia in tempore ab hominibus per voluntatis libertatem actura, omninò *prævidit*. Postquam enim Deus hominem creare ab æterno decrevit, omninò omnia ista in hominibus futura, Deum prævidisse, non negandum est.

§. 6. *Septimò* adhuc instant: Multa dari Exempla v. g. *Infantum* per Diluvium & tyrannidem Herodis extinctorum, item *multorum Martyrum*, innocentissimè in primitiva Ecclesia occisorum. Ubi sic Deus in Vita eorum abrumpenda ad eorum *obedientiam* vel *inobedientiam* non respexerit. ℞. Confundi hîc decretum *permisivum* cum *effectivo*, quæ mala fieri prævidit, *permisivè* fieri decrevit, *permissione tolerantia*, adeoq; neq; hîc causarum secundarum intuitum divina bonitas antegressa est, secus enim *decreto effectivo absoluto* talem internecionem ordinâset, quod de gratiosissimo Deo dicere, impium & blasphemum. Loquimur verò sic de *innocentissimè & tyrannicè* extinctis; Non enim diffitemur, hîc etiam interfuisse multos, Quibus ob cordis *malitiam & Impietatem*, sic justè Vita fuit abrupta. Sicut & Deus, Infantibus in Diluvio Vitæ Terminum constituendo, non tam respicere voluit ad *Inobedientiam* Eorum *propriam*, quàm ad *Inobedientiam Parentum*, propter naturalem communionem & connexionem, quæ hîc inter Parentes & liberos intercedit. Vid. *Frid. Bechm. Theologiam Polem. Loco de Providentia Dei, Controv. II. Sect. 3. p. 347.* Et *Musai pecul. Diss. de jure puniendi liberos propter peccata Parentum Jena An. 1674. habitam.*

Arg. 8.

§. 7. *Octavò* sententiam suam plausibilem reddunt ex eo, quando colligunt, Hanc nostram de *Termino Vitæ conditionato* sententiam, inferre: *Destinatum Providentia divina cursum*, posse per *media illa, quæ ubiq; hîc includamus, inhiberi, Deiq; Decreta mutari*, quò *absurdius verò nihil dici possit*. Sed ℞. Termini hi *inhiberi, mutari*, *ἡ ἀπὸ τοῦ Θεοῦ* Essentiæ Divinæ convenienter intelligendi, hîc malè *ἀντὶ τῶν ἀνθρώπων* & modulò humanò emetiuntur. Malè quoque media, quæ hîc ubique includimus, ceu *posteriora* ipsò Providentiæ divinæ cursu Decretoque divinò, concipiuntur. Malè etiam ipsa *Executio* in tempore futura, cum ipso Dei æterno Decreto confunditur. Quæ omnia sic pro fundamento habent falsam illam hypothesin, quasi omnia ab *absoluta Dei Voluntate & beneplacito*, sive bona

sive

sive mala sint, propendeant. Diximus igitur *suprà Sect. I. §. II.* Prævisionem, Præscientiam & Decretum, à causarum secundarum actionibus, tum *Physicis* tum *moralibus*, tanquam ab Objecto, nostrò intelligendi modò inferre dependentiam, mediaq; sic *antecedere*. Quæ omnia sic quidem in signo rationis concipimus; cavendum tamen ne juxta *mensuram* rationis, extra *ἡγεμονίας* hîc ea emetiamur. Concedimus itaq; Providentiæ divinæ cursum, Deiq; Decreta esse *immutabilia*, prout scil. *in se, simpliciter, essentialiter, ad intra & identificatè* cum ipsa Essentia, Voluntate & Principio omnia decernente, spectantur; prout tamen Decreta *ἀντικεινώς*, *ad extra*, & *terminativè* ad res & causas prævisas flectuntur & terminantur, omninò ex causarum naturalium vel moralium *variabili & mutabili* fluxu, ipsa divina Decreta sic quoq; definiri possunt, non *ἀνθρακωπιδῶς*, sed *ἡγεμονῶς*, prout illa sic essentiæ divinæ convenienter tunc intelligenda sunt. Addit *Menzerus Disput. suprà allegatâ p. 26.* *Qui orat, inquit, ut in plures annos sibi Vitam prolonget, non orat, ut mutetur Decretum Dei, sed ut id, quod conditione precum & pietatis Deus promisit & donare decrevit, adipiscatur, idq; secundum ipsum Dei Decretum. Et sic etiam judicandum de reliquis.* Haftenus *Menzerus.*

§. 8. Quæ hîc præterea objiciuntur, ex datis haftenus responsionibus facilè in favillas reddi & resolvi possunt. Quare ne & hujus Disputationis Terminos & limites transiliisse videamur, manum de tabula hic submovemus, Deumq; devotè rogantes, velit & *Vita nostra*

Terminum ubiq; Nobis reddere beatum, per & propter


Jesum Christum Filium suum dilectum, uni-

cum Dominum & Salvatorem

nostrum Amen!

SOLI DEO GLORIA!

Votivus Amicorum Applausus.



N! SCHRAGMÜLLERI soboles, spes magna Parentis,
Dilectus gnatus. Quod probat hoc specimen,
Quod chartis promptis per publica compita spargit,
Quod non fatalem sit subiturus homo
Mortem, per stoicos nec ferri tempora cursus,
Hoc SCHRAGMÜLLERUS doctus & ipse feret.
Cum PRÆCELLENTIS defendens dogmata docti
Nostri BAROPI, schommata quæ valida.
Non hic exponetq; rudi latitare volenti;
Adversæ partis quo minus arma ferant.
Sic SCHRAGMÜLLERUM nostrum monumenta paterna
Æternâ cedro prælia digna monent.
Nocte dieq; vocant, paria ad fastigia gnatum,
Nunc quoq; virtutis dans documenta tuæ.
Maeste piis studiis Magni Patris æmula proles
Quam duxit Genitor, Tu quoque perge viam!
Sic stabis mundo fama victrice verendus,
Cum tibi sic similis fama Parentis erit.

*hls Liberè expetitis Voils elbl Dona ex athere VoVei
ChristianVs Merthlnl.*

WILHELMUS GEORGIUS SCHRAGMÜLLERUS

κατ' Ἀναρχάμυα.

Gargarus Masculus heu vis illos Mulge.

EVOLUTIO.

G *Argarus* ipse suam promit nunc, plaudite Cives
Fœcundam Messem, *Masculus* ipse fiet
Quem profusa Ceres, fœcundam pascit in herbam
Heu vis, nunc monstrem, Quem legit ipsa Ceres?
Implevit spicis Molitoris abundè Molinam,
Illos sic cernis, quos beat ipsa Ceres.

Sic

Sic SCHRAGMÜLLERUS gaudet, gratantur Amici,
Sed *Mulge* è studiis Commoda multa tuis.

ENGELBERTUS Schiminel / *Schwelmâ-Marcianus.*

Est animi vilis semper latitare sub umbris,
Cui mens est fortis prælia dura cupit.
Non nisi pugnanti condigna corona paratur,
Non nisi qui meruit gloria clara venit,
Te probitas, virtus, Te, te sapientia vestit,
Hinc adstat subito gloria magna Tibi.
De vitâ humanâ tuus est discurrete nifus.
Et benè concertas strenuus & superas.
Schragsmüllere premis tua nunc vestigia Patris
Cui quoq; cum reliquis gaudia magna paras.
Sic benè vive Deo patriæ benè vive Parenti
Sic benè cedit opus, sic benè cedit honos.

CASPARUS WITTHENIUS, *Valberthâ-Marcianus.*

SChragMöLLero respondenti.

Tempore præsentis nobis quæcunq; minantur
Prohdolor interitum, nunc exitium meditantur.
Ipsa Parens frugum tellusq; iniusta noverca
Nunc facta est, siquidem parvæ sunt munera eleusis.
Terrigenum multos mors pallida surripit, atq;
Horribilis visâ terremur imagine necis.
Addit adhuc stimulum Mavors qui sanguine gaudet,
Imò quid multis? fatalia cuncta videmus.
Hinc non immerito mi SCHRAGMÜLLERE sodalis
Doctam materiam de fixo limite vitæ
Proponis, sumus nos ut memores libitinæ.
Annuat his igitur cœptis Moderator Olympi,
Et post victoriam Tibi det Dominusq; coronam.

JOH. CHRISTOH. Sohn / *Neopolitanus.*

Sic inè Solerti Studiò Sinuosa Serenas
Somnia Stultorum? Sanè Splendore Stipatus

Iohannes Henric^{us} VVltthen^{us}, Vo^lLbergâ-Montan^{us} Vs.

Η' οὐί.
λή. έ.
106. 108.
έ. φαλ.
9λθ'. 15'
Ματθ. 1. λ'
Ματθ. 1.
κθ'.



Istu mein werther Freund / nun die Catheder steigen /
Und wie das Lebens-Ziel beschaffen / tapffer sagen /
So nimm des Geistes Schwerdt / so wird ein jeder schweigen /
Und wirfst mit deinem Mehr die Feinde von dir jagen:
Ja streite tapffer fort / die Ehren-Kron ist deine /
Welch' Dir Apollo schon zu Ehren hat gebunden /
Von Rosen schön geziert / und wie Ich recht vermeine /
Wird Dem gelehrtes Haupt daselbst mit seym umbwunden.

German Nicolas Sirrenberg / von Zettingen-Märc

SCHRAGMÜLLER scandit Cathedram sua
 suppara pandit,
 Cordatus pellit, sic de statione revellit
 Hostiles sortes, & qua tremuere cohortes
 Rejicit in fumū, quas sic nō sternit ad humū.

Asperā & infectā qui nōrunt condere sectā. & Exemplar Patris maneat: & dogmata
Gemmisferum nomen capies, sub PRÆSIDE & Respicias. Totum sic est de pectore votum.

§ Omen:

JOH. Hartman / Neo-Ecclesia Montanus.

Editus Schragmüllere es inclyto satn,
In ambulas vestigiis rectis Magni
Parentis, atq; Avi paterni Doctoris
Summi, Spirensis & Ministri divini
Verbi, Materni post Avi q; Scheibleri
Tremonia Minister hic erat summus
Ecclesia; dum quando crastinus clavis
Retexit, orbem radius Titan, docto
Ore tuo refutabis Argumentum

De termino simpliciter vitæ nostræ
Fatali. Hinc auges tuorum Majorum
Famam, tuamq;. Sic evades in doctum
Virum. Tibi Camæna post exantlatos
Multos labores, & graves noctes dulcis,
Lauru caput cinger, & otium letum
Dabit. Tibi Cognate gratulor tota
Ex mente. Nunc addat Deus votis pondus!

PETRUS ARNOLDUS ~~W~~tering / Tremonianus.



T E studio facto sæpe invigilasse fatendum,
Talia dum tentas, sacram scandisq; Cathedram
Atq; strophas inimicorum vi frangis inanes.
Hinc plausum & laudem labor hicce meretur opimum;
Pergito solerter, memoranda trophæa reportes
Atq; Patri & Patriæ fies præclarus Apollo.

HaCCe cXIgVa gratVLabVnDVS ResponDentI siC feCIt atqVe apponnere
VoLVIt *ZaCharlas Löbbeke,*

HEus! mî Præceptor, qui scandis pulpita sancta,
Et sic aduersis, objicis ipse tuis.

Constringas igitur, solito de robore firmo,
Ut mores Patrios, sic facias celebres.

CASP. CAROLUS JOH. BEURHUSIUS, Stud. 4. Cl. Trem.